



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

11. Cum Venerabiles &c. Ad Nobilem virum Albertum Bavarix Ducem, ut
ad Dietam apud Nürimbergam ordinatam se transferat, & Sedi Apostolicæ
faveat: An. 1437.

[urn:nbn:de:hbz:466:1-74452](https://nbn-resolving.org/urn:nbn:de:hbz:466:1-74452)

ANNO
1437.

quæ concernant honorem, commodum & utilitatem vestram, tum propter bonum vestrum, quorum honestis desideriis semper intendimus complacere, tum contemplatione Imperatoris, cujus laudabilis & sincera voluntas semper nobiscum unita fuit, in fide pura, & charitate non ficta, ac pro nobis ac Ecclesiæ statu ea fecit, quæ laudem & gloriam perpetuam mereantur.

Datum Bononiæ Anno Incarnationis Dominicæ MCCCCXXXVI. Quinto Idus Martii, Pontificatus nostri Anno VI.

D. de Vinariis.

X.
Ex Arch.
Reipubl.
Genev.

Ad Marchionem Brandenburgensem propter Electionem Imperatoris Sigismundo sufficiendum: An. 1437.

EUGENIUS EPISCOPUS.

Servus Servorum Dei, Dilecto Filio Nobili viro Frederico Marchioni Brandenburgensi, Salutem & Apostolicam Benedictionem.

Solemnis natalis Domini nostri die certiores facti sumus, claræ memoriæ olim Sigismundum Romanorum Imperatorem Hungariæ ac Bohemiæ Regem viam universæ carnis ingressum esse, & licet mortis dolentesque audiverimus, eum Principem esse sublatum, quem speciali caritate dileximus, quemque rebus Ecclesiæ & Sedi Apostolicæ affectum esse cognovimus, mœrorem tamen nostrum magna ex parte levavit quæ de illius contritione quam moriens habuit, & quæ de illius placida & hilari aviditate ad suscipiendum Sacro-Sanctum Dominici Corporis Viaticum, & alia Ecclesiæ Sacramenta audivimus; Ejus itaque desiderio prædicta ratione parumper mitigato, in futura tempora in multiplices nomini Christiano, Nobis & Romanæ Ecclesiæ impendentes negotiorum anfractus curas cogitationesque nostras convertimus: De novo enim Imperatore deligendo inuncta tibi & aliis Electoribus cura nos etiam angit atque anxium facit, cum ea consideramus & ante oculos posita cernimus, quæ celi animi, virtutis, prudentiæ singularis, & devotissimi in primis ac deditissimi Ecclesiæ & Sedi Apostolicæ animi Imperatorem præsertim hoc tempore desiderari faciunt, qui imminentes cervicibus Christianorum infideles reprimere, & propulsare, qui dissidentes multis in provinciis Christianos una nobiscum ad pacem reducere, qui anhelantes ad Ecclesiæ scissuram plerosque impios continere, reprimere, deterere, qui Sedis Apostolicæ Autoritatem, maximum Imperatoris munus, defensare & augere, qui denique Ecclesiam Romanam, cujus erit ipso jure Advocatus, protegere sciat, possit, & pio ac ferventi Zelo id velit, Quamobrem licet non dubitemus, vos omnes ea quæ præditi estis virtute bonam & diligentem adhibebitis tantæ rei curam, & diu multumque pensaturos, quem ad tanta tamque ardua munera obeundum deligatis; Ut tamen id nostris etiam exhortationibus ac suasionibus attentis faciatis, memoramus in primis, ut in facienda electione ipsa unanimes, concordēs & idem ex omni parte sentientes sitis, vos in Domino exhortamur, ea enim est nobis de vestra virtute & prudentia fides atque opinio, ut is quem uniti & concordēs duxeritis eligendum, non nisi excellens, dante gratiam Domino, esse possit, & maximis quæ supra numeravimus in Ecclesia Dei & populo Christiano imminenti negotiis satisfaciatis, sin vero per vestram dissononem, quod avertat Omnipotens, aliquid novi suboriretur disturbii, intolerabiles emergerent labores; Nihil ergo accuratius à vobis fieri oportere censemus, quam ut concordī & unanimi consensu ipsam electionem faciatis, vel si fortasse suberunt causæ,

ANNO
1437.

propter quas in unum eundemque eligendum convenire nequeatis, tutius fuerit electionem ipsam aliquantisper differre, efficiet namque, ut confidimus, longa & matura deliberatio, ut quod acceleratio nimia verabat, dilata consultatio vos omnes unanimes & ejusdem voluntatis reddat. Quare si inspirante Domino cum bona caritate & communi consensu electionem prædictam facieris, rem nobis acceptatissimam, & cui an parem in humanis à vobis expectemus non facile dixerimus, effeceris, erimusque prompti & parati, quod bene, condignè & laudabiliter factum à vobis audiemus, approbare & favoribus prosequi necessariis, ut per ipsius electi adjuvamentum impendentia populo Christiano pericula avertamus, discordias, bella & inimicitias tollamus, & tum Ecclesiæ Occidentalis unitatem servemus, tum maximè Orientalem, ad quod dante Domino videmur optima jecisse fundamenta, ipsi Occidentali etiam uniamus; Nam hodie in Consistorio generali fecimus Declarationem, cujus copiam mittimus introclusam, & Domino concedente ibimus de proximo ad Ferrariensē Concilium, ubi Deo nostro puram, sinceram & piam voluntatem nostram dirigente ac juvante, ea solidè & cum effectu in prædicto Concilio faciemus serique curabimus, propter quæ Concilium à principio fuerat congregatum, & cum carissimum in Christo Filium Imperatorem Romanorum ac Venerabilem Fratrem Constantinopolitanum Patriarcham cum multis notabilibus Prælatibus nobilibusque aliis propediem expectemus, jamque pars Familiæ prædicti Imperatoris Venetias applicuerit cum una ex nostris Galeis, unionem ipsorum Græcorum cum Ecclesia Occidentali concedente Domino facere speramus, quare velit tua Devotio Oratores & alios omnes tuos qui apud Basileam essent inde revocare, & alios Oratores omnesque qui videbuntur tibi ad prædictum Ferrariensē Concilium mittere, & quantum in te est, postpositis æmulatorum Sedis Apostolicæ & nostrorum qui scandala quærunt in Ecclesia Dei passionibus, ea possint in prædicto Concilio Ferrariensi fieri, quæ gloriam Dei & nominis Christiani exaltationem & Sedis Apostolicæ totiusque Ecclesiæ pacem & honorem respiciant, & per quæ tot olim desiderata seculis Græcorum unio, quam, nisi scandalosi & impii prohibiti sunt, in manibus habere videmur, sequi possit.

Datum Bononiæ Anno Incarnationis Dominicæ millesimo quadringentesimo trigésimo septimo pridie Calendæ Januarii, Pontificatus nostri Anno septimo.

Jac. de Viterbio.

Ad Nobilem virum Albertum Baviaræ Ducem, ut ad Dietam apud Nurnbergam ordinatam se transferat, & Sedi Apostolicæ faveat: Anno 1437.

XI.
Ex Ibid.

EUGENIUS EPISCOPUS,

Servus Servorum Dei, Dilecto Filio Nobili viro Alberto Baviaræ Duci, Salutem & Apostolicam Benedictionem.

Cum Venerabiles Fratres & dilecti Filii Sacri Romani Imperii Electores nobis per suos Oratores cum instantia supplicaverunt, ut in alium locum ab isto pro Oecumenico Concilio consentire, etiam & ab inceptis processibus contra aliquos, qui Basileæ in scandalum Ecclesiæ remanserunt, abstinere dignaremur, quæ quidem etiam, ut certi reddebamur, petiti erant Oratores carissimi in Christo Filii nostri Alberti Regis Romanorum Illustris. Nosque de Consilio Venerabilium Fratrum nostrorum Sanctæ Romanæ Ecclesiæ Cardinalium eisdem, prout in Copia præsentibus introclusa continetur, duxerimus respondendum. Tuam Nobilitatem

hortamur

ANNO
1438.

hortatur atque requirimus, ut ad dietam quam in responfione prædicta postulavimus, quæ postea apud Nuringam ordinata est, personaliter te conferre velis, & juxta tuam & progenitorum tuorum fidem atque devotionem Sanctæ Sedis Apostolicæ auctoritati favere, ac Justitiæ & Innocentiæ nostræ assistere studeas, quemadmodum plenè confidimus, atque speramus, ut per tuam & aliorum Principum assistentiam pestiferum illud & inveteratum schisma in natione Germaniæ tantis tamque piis laboribus extinctum, paucorum quorundam hominum odio & ambitione non solum in eadem Natione non renovetur, sed pax detur Ecclesiæ, & unitas maneat illibata, super quibus tuæ Devotioni latius dicit dilectus Filius Gerardus Sacerdos Canonicus Sancti Stephani Moguntinus, Familiaris noster.

Datum Ferrariæ Anno Incarnationis Dominicæ, Millesimo quadringentesimo tricesimo octavo, quarto Idus Augusti, Pontificatus nostri Anno octavo.

L. de Ricciis.

XII.
Ex Ibid.

Instructio Papæ Eugenii ad suos Nuntios, missos ad Dietam Francofurti coactam, ad eligendum Imperatorem. Anno 1439.

EUGENIUS EPISCOPUS,

Servus Servorum Dei, Dilectis Filiis Nicolao de Casa Præposito Monasterii in Meynselt, & Jacobo de Oratoribus Canonico Ferrariensi Nunciis nostris, Salutem & Apostolicam Benedictionem.

Accipimus Litteras cujuscumque vestram, laudamusque prudentiam & diligentiam vestram in cunctis statum & honorem nostrum & Sedis Apostolicæ concernentibus. Commendantes pariter Cedulam illam per vos exhibitam Electoribus vigore Litterarum nostrarum, quas de Credentia habebatis, tanquam juxta mentem nostram bene & prudenter conceptam. Quæ scribitis de Dieta apud Frankfordiam tenenda in die Conversionis beati Pauli pro Electione Regis Romanorum intelleximus, Deumque oramus, ut talem eligi permittat, qui & possit & velit Sanctam Dei Ecclesiam, prout tenebitur, defendere. Spem tamen in Dei misericordia & in Electorum prudentia habemus, talem eligi, qualem Ecclesiæ & Religionis Christianæ necessitas postulat. Volumusque, ut quam primum Electio facta fuerit, eam nobis per nuncium proprium illico nunciatis, & si præsens erit electus si absens, ad ipsum vos personaliter conferatis simul cum dilecto Filio nostro Cardinali Sancti Vitalis Augustensi nuncupato, cui etiam super hoc scribimus, si aderit in ipsa Dieta dictus Cardinalis; Alioquin vos dictum adeuntes Electum congratulabimini secum de hujusmodi assumptione, & illa eadem apud ipsum promovebitis, quæ ex nostra commissione apud Electores pridem promovistis, sumendo ex litteris nostris & cedula vestra rationes & alias prout dictaverit ingenium afferendo. Conveniet verò in primis secum & cum suis Consiliariis agi, ut pro defensione Sedis Apostolicæ, à qua sola jus Imperii Romani fuit in Germanos translatum, velit, quemadmodum tenetur, viriliter laborare. Et cum Nos ac Sedem Apostolicam in cunctis & honorem suum concernentibus illi amplè obtuleritis, persuadebitis eidem atque Consiliariis suis, ut morem imitatus ipse Electus aliorum qui hætenus in Romanorum Reges electi fuerunt, suam Electionem per suas lit-

teras nobis intimet, Suadebitisque pariter, ut mittat Decretum Electionis pro confirmatione à nobis juxta formam juris obtinenda. Nec ab ipso Electo, quocumque proficiatur, aliqua ratione discedatis, sed illum quocumque iverit secuti quotidie & in Missis & alibi visitetis ipsum continud, & suos de justitia nostra & Basiliensi pravitate ac de illa ambitione, impressione, coactione praticis, notariæque impudentia, quibus nefariè usus Sabaudia Dux in Idolum eligi quæsierit, plenariè informantes, narrantesque è contra, quam magnifica & gloriosa fuerunt opera, quæ auctore Domino nostrà impensa, pro qua nullum oneravimus in Græcorum atque Armenorum reductione, effecimus, quo in sermone dicendum erit de numerositate populorum utriusque gentis noviter reductæ, quodque non solum in hac tali operatione requievimus, sed insuper Græcis post factam unionem obtulimus multa & ampla subsidia mari ac terra eorum Imperatori exhibenda Turcis ex Europa & Græcia expellendis. Cujus rei causâ claræ memoriæ Albertum Regem Romanorum defunctum requisiveramus, ut huic rei intendens operamque dans pararet exercitum contra Teucros in tempore ducendum. Nam Nos etiam constitueramus magnam classem cum auxilio Principum Christianorum eodem in tempore paratam habere dandam prædicto Græcorum Imperatori, qui ex partibus Constantinopolitanis contra dictos Teucros exercitum duxisset. Accommodè item tunc dicere potestis de periculis, quæ per mortem prædicti Regis imminent Hungariæ à Barbaris; Ex tam multis concludetis, oportere, ut Electus ipse tanquam Advocatus & Defensor Ecclesiæ viriliter se accingat ad protegendum Christianitatem; Ceterum ibitis quam primum ad Dietam Frankfordiæ, ubi postquam negotium vobis commissum promoveritis, instare debetis tam apud Electores quam alios Principes in dicta diea convenientes, ut responsio vobis detur in scriptis super litteris Apostolicis, quas tu Jacobo tulisti, & super cedula per ambos exhibita, Insuperque plenariè Cardinalem Augustensem de omnibus per vos promotis & dietim promovendis, quem vobis aditutum non dubitamus usque ad felicem hujus rei expeditionem. Quod reliquum est misimus vobis pridie decretum. *Moses*, & nunc transmittimus aliud de Armenorum reductione, vos curare debetis, ut quæcumque in dies fiant scribi digna celeriter ad nos perferantur quam diligenter à vobis scripta, pariterque scribatis quid à vobis oportere fieri censeatis.

Datum Florentiæ Anno Incarnationis Dominicæ Millesimo quadringentesimo tricesimo nono Quarto Idus Januarii, Pontificatus nostri Anno Nonno.

D. Palavicinus.

Confirmat Privilegia Universitatis Pataviæ ad instar Parisiensis Anno 1439.

EUGENIUS EPISCOPUS,

Servus Servorum Dei ad perpetuam rei memoriam.

Dum intra arcana nostræ mentis solerti meditatione recolimus, quantum ad Populum nostræ sollicitudini commissum Remque publicam debitè regendam viri litterarum scientia docti

confe-

ANNO
1439.XIII.
Ex Hist. Univ. Bur-
lei Tom.
5. P. 447.